



PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Utusan Malaysia
Date	13/9/2011

Najib: Satu lagi pusingan liberalisasi ekonomi dalam bajet 2012

KUALA LUMPUR 12 Sept. - Akan ada satu lagi pusingan liberalisasi ekonomi dalam pengumuman Bajet bulan depan, kata Perdana Menteri, Datuk Seri Najib Tun Razak.

"Liberalisasi itu baik untuk daya saing mampan jangka panjang kita. Ia membina kekuatan intrinsik kita bukan melalui perlindungan ataupun subsidi," kata beliau dalam temu bual dengan *Forbes Asia Magazine*.

Temu bual itu disiarkan dalam edisi khas majalah itu bulan ini.

"Kita telah pun meliberalisasikan

ekonomi, tetapi saya perlu meredakan kebimbangan domestik yang pembukaan yang terlalu pantas boleh mengancam," kata Perdana Menteri ketika menjawab mengenai bagaimana Malaysia meliberalisasikan atau melonggarkan ekonominya.

"Kita perlu berdaya saing kerana faktor-faktor seperti produktiviti, teknologi dan proses kita," kata Najib yang juga Menteri Kewangan.

Mengenai bagaimana ekonomi Malaysia menunjukkan prestasinya, Najib berkata, pemulihan negara da-

ripada krisis kewangan global begitu menggalakkan.

"Berikutan penguncupan ekonomi pada 2009, kita telah mencapai 7.2 peratus pertumbuhan pada 2010. Pemulihan yang kukuh ini berterusan ke tahun 2011 dan kita menjangka mencapai pertumbuhan lima hingga enam peratus tahun ini," kata beliau.

Najib berkata, angka-angka berhubung asas-asas seperti pelaburan awam dan swasta serta penggunaan nampak begitu mantap.

"Antara faktor utama untuk pe-

mulihan ini adalah lonjakan 530 peratus pelaburan langsung asing (FDI) yang mencecah kira-kira RM28 bilion pada 2010," katanya.

Minggu lepas, Najib mengumumkan untuk separuh pertama 2011, Malaysia telah menarik RM21.3 bilion dalam jumlah FDI.

"Para pelabur semakin yakin dengan program transformasi ekonomi dan model baru ekonomi kita," kata beliau.

Najib berkata, pada pemulihan global kali ini, kerajaan sedang me-

ngukuhkan Malaysia secara strategik sebagai hab untuk ASEAN dan Asia Timur.

Mengenai hubungan ekonomi Malaysia dengan negara Asia dan Timur Tengah, Najib berkata negara mempunyai hubungan ekonomi yang baik dengan China memabatkan jumlah dagangan mencecah RM149 bilion.

"Satu perkara yang saya ingin tingkatan dengan secara signifikan adalah menggalakkan China untuk meningkatkan pelaburan jangka

panjang di Malaysia melangkaui pelaburan jangka pendek seperti projek-projek pembinaan."

Dengan Singapura pula, beliau berkata, Malaysia telah menyelesaikan masalah selama 20 tahun mereka berhubung pendapat mengenai perjanjian dan kini masing-masing dalam mode konstruktif dari segi hubungan dua hala.

"Walaupun kita bersaing, kita seharusnya memajukan hubungan produktif selagi kita boleh lakukan."
-BERNAMA